



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Cæsari
Aug. in Comicijs Avgvstæ. Anno M. D. XXX.**

Melanchthon, Philipp

Viteberga, 1542

VD16 C 4714

De Confessione Et Satisfactione.

urn:nbn:de:hbz:466:1-35748

qua blasphemia atrocior nulla excogitari potest.
 Sic enim ait Tertullianus, Inuitat premio salutem,
 iurans etiam, Viuo dicens, cupit sibi credi. O bea-
 tos quorum causa iurat Deus. O miserrimos, si
 nec iuranti Domino credimus. Atq; hic sciendum
 est, q; hæc fides debeat sentire, q; gratis nobis ig-
 noscat Deus propter Christum, propter suam pro-
 missionem, non propter nostra opera, contricio-
 nem, confessionem, satisfactionem aut dilectionem.
 Nam si fides nitatur his operibus, statim fit incer-
 ta, quia conscientia pauida uidet hæc opera in-
 digna esse. Ideo præclare ait Ambrosius de pœni-
 tentia. Ergo & agendam pœnitentiam, & tribu-
 endam ueniam credere nos conuenit, ut ueniam
 tamen tanquā ex fide speremus, tanquā ex syngra-
 pha fides impetrat. Item fides est quæ peccata no-
 stra cooperit. Extant itaq; sententiæ apud Patres,
 non solum de contritione & operibus, sed etiam
 de fide. Verum aduersarij, cum neq; naturam pœni-
 tentiæ intelligant, neq; sermonem Patrum, excep-
 sunt dicta de parte poenitentiæ, uidelicet de operi-
 bus. Alibi dicta de fide, cum non intelligunt, præte-
 reunt.

DE CONFESSIONE ET
 SATISFACTIONE.

Boni

DE CONFESSiONE ET

Boni viri facile iudicare possunt, plurimum re-
ferre, ut de superioribus partibus, uidelicet
contricione & fide, conseruetur uera doctrina.
Itaq; in his locis illustrandis semper plus uersari
sumus, de confessione & satisfactionibus nō admo-
dum rixati sumus. Nam ex nos confessionem reti-
nemus præcipue propter Absolutionem, que est
uerbum Dei, quod de singulis autoritate diuina
pronunciat potestas clavium. Quare impium es-
set ex Ecclesia priuatam Absolutionem tollere.
Neq; quid sit remissio peccatorum, aut potestas cla-
vium intelligunt, si qui priuatam Absolutionem
aspernantur. Ceterum de enumeratione delicto-
rum in Confessione supra diximus, q; senciamus
eam non esse iure diuino necessariam, Nam q; ob-
ijciunt quidam, Iudicem prius debere cognoscere
causam, priusquam pronunciat, hoc nihil ad hanc
rem pertinet, quia Absolutio est executio alieni
beneficij, non est iudicium. Christus enim dedit
mandatum remittendi peccata, Id mandatum exe-
quuntur ministri. Non habent mandatum de cog-
noscendis occultiis, Hoc intelligi potest ex eo, quia
infinita peccata remittunt, quæ nec nos ipsi memi-
nimus, quibus remittuntur. Et si penderet remis-
sio ex cognitione, tota res esset incerta. Ceterum
in his

in his delictis quæ publice nota sunt, qualem ha-
beat Iurisdictionem Ecclesia, id non pertinet ad
præsentem disputationem. Nam hæc, quia nota
sunt, nominatim accusantur, & postea nominatim
remittuntur, si autor uelit recipi ab Ecclesia. Et
ridiculum est hoc transferre dictum Salomonis.
Diligenter cognoscere uultum pecoris tui. Nihil
enim dicit Salomon de Confessione, sed tradit Oe-
conomicum præceptum patri familias, ut utatur
suo, & abstineat ab alieno, & iubet eum res suas
diligenter curare, ita tamen, ne studio augenda-
rum facultatum, occupatus animus, abiijciat timo-
rem Dei, aut fidem, aut curam uerbi Dei. Sed ad-
uersarij nostri mirifica metamorphosi transfor-
mant dicta scripturæ, in quaslibet sentencias. Hic
cognoscere significat eis audire confessiones. Vul-
tus non externam conuersationem, sed arcana
conscientiæ. Pecudes significant homines. Sane
bella est interpretacio, & digna istis contemptori-
bus studiorum eloquentiæ. Quod si uelit aliquis
per similitudinem transferre præceptum a patre
familias ad pastorem Ecclesiæ, certè uultum debe-
bit interpretari de externa conuersatione. Hæc si-
militudo magis quadrabit, Sed omittamus ista.
Aliquoties fit in Psalmis mentio Confessionis, ut

Dixi,

DE CONFESSiONE ET

Dixi, confitebor aduersum me iniusticiam meam
Domino, & tu remisisti iniquitatem peccati mei.
Talis confessio peccati, quæ Deo fit, est ipsa con-
tricio. Nam cum Deo fit confessio, corde fieri ne-
cessere est, non solum uoce sicut fit in scenis ab hi-
strionibus. Est igitur talis confessio, contricio, in
qua sencientes iram Dei, confitemur Deum iuste-
irasci, nec placari posse nostris operibus. Et tamen
querimus misericordiam, propter promissionem
Dei. Talis est hæc confessio, Tibi soli peccaui, ut tu
iustificeris, & uincas cum iudicaris, id est, fateor
me peccatorem esse, & meritum æternam iram,
nec possum opponere meas iusticias, mea merita
tue iræ. Ideo pronuncio te iustum esse cum con-
demnas & punis nos. Pronuncio te uincere, quan-
do hypocritæ iudicant te, q̄ sis iniustus, qui ipsos
punias aut condemnes bene meritos. Imo nostra
merita non possunt opponi tuo iudicio, sed ita illa
stificabimur, si tu iustifices, si tu reputes nos illa
tos per misericordiam tuam. Fortassis & Iaco-
bum citabit aliquis, Confitemini uiciissim delicta.
Sed hic non loquitur de confessione sacerdotibus
facienda, sed in genere de reconciliatione fratribus
inter se. Iubet enim mutuam esse confessionem.

Porro aduersarij nostri multos doctores re-
ceptiissimos

ceptissimos damnabunt, si contendent enumeracionem delictorum in confessione necessariam esse Iure diuino. Quanquam enim confessionem probamus et quandam examinationem prodesse iudicamus, ut institui homines melius possint, tamen ita moderanda res est, ne conscientijs iniiciantur laquei, quae nunquam erunt tranquillæ, si existimabunt se non posse consequi remissionem peccatorum, nisi facta illa scrupulosa enumeratione. Hoc certe falsissimum est quod aduersarij posuerunt in confutacione, q[uia] confessio integra sit necessaria ad salutem. Est enim impossibilis. Et quales laqueos hic iniiciunt conscientiæ, cum requirunt integrum confessionem? Quo ando enim statuet conscientia integrum esse confessionem? Apud scriptores Ecclesiasticos fit mentio confessionis, sed hi non loquuntur de hac enumeratione occultorum delictorum, sed de ritu publicæ pœnitentie. Quia enim lapsi aut famosi non recipiebantur, sine certis satisfactionibus, ideo confessionem faciebant isti apud presbyteros, ut pro modo delictorum præscribentur eis satisfactions. Hæc tota res nihil simile habuit huic enumerationi de qua nos disputamus. Confessio illa fiebat non q[uia] sine ea non posset fieri remissio peccatorum coram Deo, Sed q[uia]

non

DE CONESSIONE ET

non poterant satisfactiones præscribi nisi prius cognita genere delicti. Nam alia delicta habebant alios Canones.

Et ex illo ritu publicæ pœnitentiae reliquum habemus etiam nomen satisfactionis. Nolebant enim sancti Patres recipere lapsos aut famosos, nisi prius cognita & spectata pœnitentia eorum, quantum fieri poterat. Et huius rei multæ uidentur fuisse causæ. Nam ad exemplum pertinebat, castigare lapsos, sicut & glosa in Decretis admonet, & indecorum erat, homines famosos statim admittere ad communionem. Hi mores diu iam antiquati sunt, Nec necesse est eos restituere, quia non sunt necessarij ad remissionem peccatorum coram Deo. Neq; hoc senserunt Patres, mereri homines remissionem peccatorum per tales mores, aut talia opera. Quanquam hæc spectacula imparitos solent fallere, ut putent se per hæc opera mereri remissionem peccatorum coram Deo. Verum si quis sic sensit, Iudaice & gentiliter sensit. Nam & ethnici habuerunt quasdam expiations delictorum per quas fingeabant se reconciliari Deo. Nunc autem more antiquato, manet mons satisfactionis, & uestigium mortis, q; in cōfessione præscribuntur certæ satisfactiones, quas definiunt esse opera

opera non debita. Nos uocamus satisfactiones Ca-
nonicas. De his sic sentimus, sicut de enumeratio-
ne, q[uod] satisfactiones Canonicae non sint necessarie
Iure diuino ad remissionem peccatorum. Sicut neq[ue]
illa spectacula uetera satisfactionum in p[ro]enitentia
publica, Iure diuino necessaria fuerunt ad remis-
sionem peccatorum. Retinenda est enim sententia
de fide, q[uod] fide consequamur remissionem peccato-
rum propter Christum, non propter nostra opera
præcedentia aut sequentia. Et nos ob hanc cau-
sum præcipue de satisfactionibus disputationem, ne
susciperentur ad obscurandam iusticiam fidei, ne-
ue existimarent homines se propter illa opera
consequi remissionem peccatorum. Et adiuuant er-
rorem multa dicta quæ in scholis iactantur, quale
est quod in definitione satisfactionis ponunt, fieri
eam ad placandam diuinam offensam.

Sed tamen fatentur aduersarij, q[uod] satisfactio-
nes non profint ad remissionem culpæ. Verum fin-
gunt satisfactiones prodesse ad redimendas pœ-
nas, seu purgatorijs, seu alias. Sic enim docent in
remissione peccati, Deum remittere culpam. Et ta-
men quia conuenit iusticie diuina punire pecca-
tum, mutare pœnam eternam in pœnam tempora-

N lenta

DE CONFESSIONE ET

¶m. Addunt amplius, partem illius temporalis pa-
næ remitti potestate clauium, reliquum autem re-
dimi per satisfactiones. Nec potest intelligi qua-
rum pœnarum pars remittatur potestate clauium,
nisi dicant partem pœnarum purgatorij remitti
qua ex re sequeretur, satisfactiones tantum esse
pœnas redimentes purgatorium. Et has satisfa-
ctiones dicunt ualere, etiam si fiant ab his qui re-
lapsi sunt in peccatum mortale, quasi uero diuina
offensa placari queat ab his qui sunt in peccato
mortali. Hæc tota res est commenticia, recens con-
ficta, sine autoritate scripture ex ueterum scrip-
torum Ecclesiasticorum. Ac ne Longobardus quia
dem de satisfactionibus hoc modo loquitur. Scho-
lastici uiderunt in Ecclesia esse satisfactiones, Nec
animaduerterunt illa spectacula instituta esse tam
exempli causa, tum ad probandos hos qui pete-
bant recipi ab Ecclesia. In summa, non uiderunt
esse disciplinam, & rem prorsus politicam. Ideo su-
persticiose finxerunt eas, non ad disciplinam co-
ram Ecclesia, sed ad placandum Deum ualere. Et
sicut alias sepe incommode commiscuerunt spiri-
tualia & molitika, idem accidit & in satisfa-
ctionibus. Atqui glosa in Canonibus aliquoties ita
statur has obseruationes institutas esse proper
disciplinam Ecclesie.

Vide

Videte autem quomodo in Cōfutacione, quam
ausi sunt obtrudere Cæsa. Maiestati, probent hæc
sua figmenta. Multa dicta ex scripturis citant, ut
fucū imperitis faciant, quasi hæc res habeat autoritatem ex scripturis, quæ adhuc Longobardi tem-
pore ignota erat. Allegat̄ has sentēcias. Facite fr̄s
ctus dignos pœnitencie. Item, Exhibit̄ membra ue-
stra seruire iusticiæ. Item, Christus prædicat pœnē-
tenciam. Agite pœnitenciam. Item Christus iubet
Apostolos pœnitenciam prædicare. Et Petrus præ-
dicat pœnitenciam Actu. 2. Postea citant quædam
dicta Patrum & Canones. Et concludunt his uer-
bis. Satisfactiones in Ecclesia contra expressum
Euangelium & Concilliorum & Patrum decretar
abolendæ non sunt, quin imo absoluti a sacerdote
iniunctam pœnitenciā perficere debent, illud Pauli
sequentes. Dedit semetipsum pro nobis, ut redime-
ret nos ab omni iniuitate & mundaret sibi popu-
lum acceptabilem, sectatorem bonorum operum.

Deus perdat istos impios Sophistas, tam sce-
leste detorquentes uerbum Dei ad sua somnia ua-
niſima, Quis bonus uir non commoueatur indig-
nitate tanta? Christus inquit. Agite pœnitenciam.
Apostoli prædicant pœnitenciam, Igitur pœnæ

N ï eterna

DE CONFESSiONE ET

æterne compensantur satisfactionibus nostris, Ig-
tur claves habent mandatum remittendi partem
pœnarum purgatorij, Igitur satisfactiones redi-
munt pœnas purgatorij. Quis docuit istos asinos
hanc Dialecticam? Sed hæc neq; Dialectica, neq;
Sophistica est, sed est Sycophantica. Ideo alle-
gant hanc uocem. Agite pœnitentiam, ut cum ta-
le dictum contra nos citatum imperiti audiunt,
concipiant opinionem nos totam pœnitentiam tol-
tere. His artibus alienare animos, & inflammare
odio conantur, ut conclament contra nos imperia-
ti, tollendos esse e medio tam pestilentes hæretici-
cos, qui improbant pœnitentiam.

Sed speramus apud bonos uiros has caluni-
rias parum profecturas esse. Et Deus tantam im-
pudenciam ac maliciam non diu feret. Nec utiliter
consulit suæ dignitati Romanus Pontifex, q; tales
Patronos adhibet, q; rem maximam iudicio horum
Sophistarum permittit. Nam cum nos in Confessio-
ne fere summam doctrinæ Christianæ uniuerse
complexi simus, adhibendi fuerant iudices de tan-
tis, tam multis, & tam uarijs negocijs pronuncia-
turi, quorum doctrina & fides bonis uiris proba-
retur. Idq; te Campegi pro tua sapientia prouide-

re decess

re decebat, ne quid in tantis rebus isti scriberent,
quod aut hoc tempore, aut ad posteros uideatur
posse minuere Romanæ sedis existimationem. Si
Romana sedes censet æquum esse, ut omnes gen-
tes agnoscant eam pro magistra fidei, debet ope-
ram dare, ut docti & integri uiri de religionibus
cognoscant. Quid enim iudicabit mundus, si quan-
do proferetur in lucem, scriptum aduersario-
rum, quid iudicabit posteritas, de his calumniosis
iudicijs? Vides Campegi hæc esse postrema tem-
pora, in quibus Christus prædictit plurimum peri-
culi fore religioni. Vos igitur qui tanquam in spe-
cula sedere, & gubernare religiones debetis, his
temporibus oportuit singularem adhibere, tum
prudentiam, tum diligentiam. Multa sunt signa,
quæ nisi prouideritis, minantur mutacionem Ro-
mano statui, Et erras, si tantum ui & armis ex-
istimas Ecclesiæ remendas esse. Doceri de reli-
gione postulant homines. Quam multos esse existi-
mas, non tantum in Germania, sed etiam in Ang-
lia, in Hispania, in Gallijs, in Italia, deniq; in ipsa
urbe Roma, qui quoniam uident exortas esse de
maximis rebus controuerrias, dubitare alicubi inci-
piunt, & taciti indignantur, q; has tantas res rite
cognoscere & iudicare recusatis, q; non explicatis

N iij ambigen.

DE CONFESSIONE ET

ambigentes conscientias, q̄ tantum iubetis nos ar-
mis opprimi ac deleri. Multi autem sunt boni iuri,
qui facilius mortem, & omnia genera supplicio-
rum ferrent, quam ferunt hanc dubitacionem. Ne
satis expendis, quanta res sit Religio, si bonos ui-
ros leuiter existimas angi, sicut incipiunt ambi-
gere de aliquo dogmate. Et haec dubitacio non po-
test non parere summam odij acerbitatem, aduer-
sus illos, qui cum mederi conscientijs debebant, ob-
sistunt, quo minus explicari res posset. Nos hic di-
ximus Dei iudicium uobis pertinendum esse,
Nam hoc leuiter curare Pontifices putant, qui cū
ip̄si teneant claves, scilicet patefacere sibi celum
cum uolunt possunt. De hominum iudicijs, deq; ta-
ctis uoluntatibus omnium gentium loquimur, que
profecto hoc tempore requirunt, ut haec negotia
ita cognoscantur, atq; constituantur, ut senentur
bonae mentes, & a dubitacione liberentur. Quid
enim futurum sit, si quando eruperint odia illa ad-
uersus uos, pro tua sapientia facile iudicare potes.
Verum hoc beneficio deuincire omnes gentes uo-
bis poteritis, quod omnes sani homines, summum
& maximum iudicant, si dubitantes conscientias
sanaueritis. Haec non eo diximus q̄ nos de nostra
confessione dubitemus, Scimus enim eam ueran-
pis

am, & p̄ijs conscientijs utilem esse. Sed credibile est p̄assim multos esse, qui non de leuibus rebus am-
bigunt, nec tamen audiunt idoneos Doctores qui
mederi conscientijs ipsorum possint.

Sed redeamus ad propositum, scripturæ ci-
tate ab aduersarijs prorsus nihil loquuntur de Ca-
nonicis satisfactionibus & de opinionibus Schola-
sticorum, cum constet eas nuper natas esse. Quare
mera calumnia est, q̄ detorquent scripturas ad il-
las suas opiniones. Nos dicimus q̄ p̄enitentiam
hoc est conuersionem seu regenerationem, boni
fructus, bona opera, in omni uita sequi debeant.
Nec potest esse uera conuersio, aut uera contri-
cio, ubi non sequuntur mortificationes carnis, &
boni fructus. Veri terrores, ueri dolores animi,
non patiuntur corpus indulgere uoluptatibus, &
uera fides non est ingrata Deo, nec contemnit man-
data Dei. Deniq; nulla est interior p̄enitentia,
nisi foris pariat etiā castigationes carnis. Et hanc
dicimus esse sentenciam Iohannis, cum ait. Facite
fructus dignos p̄enitentiae. Item Pauli, cum ait.
Exhibete membra uestra, seruire iusticie, sicut &
alibi inquit. Exhibete corpora uestra, hostiane
uiuam, sanctam &c. Et cum Christus inquit,

N iiiij Agit

DE CONFESSIONE ET

Agite pœnitentiam, certe loquitur de tota pœnitentia, de tota nouitate uitæ, & fructibus, non loquitur de illis hypocriticis satisfactiōibus, que finguunt Scholastici cum quoq; ualere ad compensationem pœnæ purgatorij, aut aliarum pœnarum, cum fiunt ab his qui sunt in peccato mortali.

Ac multa colligi argumenta possunt, q; hec dicta scripturæ nullo modo pertineant ad Scholasticas satisfactio[n]es. Isti fingunt satisfactio[n]es esse opera indebita. Scriptura autem in his sentencij requirit opera debita. Nam hæc uox Christi est uox præcepti, Agite pœnitentiam, Item, Aduersarij scribunt confitentem, si recuset suscipere satisfactio[n]es, non peccare, sed persoluturum esse has pœnas in purgatorio. Iam hæc sentencie sine controuersia, præcepta sunt ad hanc uitam pertinentia, Agite pœnitentiam, facite fructus dignos pœnitentie, Exhibitete membra uestra seruire iusticie. Quare non possunt detorqueri ad satisfactio[n]es, quas recusare licet. Non enim licet recusare præcepta Dei. Tertio, Indulgentie remittunt illas satisfactio[n]es, ut docet Cap. Cum ex eo, de pœnitentijs & remission. At indulgentie non soluunt nos illis præceptis. Agite pœnitentiam, facite fructus dignos

dignos pœnitentie. Itaq; manifestum est male de-
torqueri illa dicta scripturæ ad Canonicas satisfa-
ctiones. Videte porro quid sequatur. Si pœnæ
purgatoriij sunt satisfactiones seu satispassiones,
aut satisfactiones sunt redemptio pœnarum pur-
gatoriij, num etiam hæ sentencie præcipiunt, ut
animes castigentur in purgatorio? Id cum sequi
necessè sit ex aduersariorum opinionibus, hæ sen-
tencie nouo modo interpretandæ crunt, Facite fris-
ctus dignos pœnitentie, Agite pœnitentiam, hoc
est, paciamini pœnas purgatoriij post hanc uitam.
Sed piget has ineptias aduersariorum pluribus re-
uellere. Constat enim scripturam loqui de operi-
bus debitibus, de tota nouitate uitæ, non de his obser-
uationibus operum non debitorum, de quibus lo-
quuntur aduersarij. Et tamen his figmentis defen-
dunt ordines, uenditionem Missarum & infinitas
obseruationes, q; scilicet sint opera, si non pro-
culpa, tamen pro pœna satisfacientia.

Cum igitur scripture citatæ non dicant, q;
operibus non debitibus pœnæ æternæ compensandæ
sint, temere affirmant aduersarij, q; per satisfactio-
nes Canonicas pœnæ illæ compensentur. Præterea
cum certissimum sit remissionem peccatorum gra-

N v tuitam

DE CONFESSIONE ET

tuitam esse, seu gratis propter Christum donari, sequitur non requiri satisfactiones. Et Euangeliū habet mandatum gratis remittendi peccata, non imponendi poenas, & nouas leges, aut partem pœnarum imponendi parte remissa. Vbi enim leguntur hæc in scripturis? Christus de remissione peccati loquitur, cum ait, Quidquid solueris &c. quo remissio sublata est mors æterna, & redditæ vita æterna. Neq; hic loquitur de imponendis pœnis, Quidquid ligaueris, Sed de retinendis peccatis illorum qui non conuertuntur. Sed dictum Longobardi de parte pœnarum remittenda, sumptum est a Canonicis pœnis. Harum partem remittebant pastores. Quid inquam igitur sentimus, q; pœnitentia debeat bonos fructus parere propter gloriam & mandatum Dei. Et boni fructus habent mandata Dei, uera ieunia, ueræ orationes, ueræ elemosyne &c. tamen hoc nusquam reprehimus in scripturis sanctis, q; pœne æterne non remittantur nisi propter pœnam purgatorijs, aut satisfactiones Canonicas, hoc est propter certa quædam opera non debita, aut q; potestas clavium habeat mandatum commutandi pœnas, aut partem remittendi. Hæc probanda erant aduersarij.

Præterea mors Christi non est solum satisfactio-

factio pro culpa, sed etiā pro æterna morte, iuxta illud. Ego mors tua, o mors Quid est igitur monstri, dicere q̄ Christi satisfactio redimat culpam. Nostræ poenæ redimant mortem æternam, ut iam illa uox, Ego mors tua, intelligi debeat, non de Christo, sed de nostris operibus, & quidem non de operibus a Deo præceptis, sed de frigidis quibusdam obseruationibus excogitatis ab hominibus. Et dicuntur mortem abolere, etiam cum flunt in peccato mortali. Incredibile est, quanto cum dolore has ineprias aduersariorum recitemus, quas qui expedit, non potest non succensere istis doctrinis dæmoniorum, quas sparsit in Ecclesia diabolus, ut oppimeret cognitionem legis, & Evangelij, poenitentiae, & uiuificationis, & beneficiorum Christi. Nam de lege sic dicunt, Deus condescendens nostræ infirmitati, constituit homini mensuram eorum ad quæ de necessitate tenetur, quæ est obseruatio præceptorū, ut de reliquo, id est, de operibus supererogationis possit satisfacere de cōmissis. Hic singunt homines legē Dei ita facere posse, ut plus etiā quā lex exigit, facere possimus Atqui scriptura ubiq; clamat, q̄ multum absimus ab illa perfectione, quam lex requirit. Sed isti singunt legem Dei cōtentam esse externa & ciuili iusticia,

non

DE CONFESSIONE ET

non uident eam requirere ueram dilectionem Dei
ex toto corde &c. damnare totam concupiscentiam in natura, Itaq; nemo tantum facit, quantum
lex requirit. Ridiculum igitur est, q; fingunt nos
amplius facere posse. Quanquā enim externa opera
facere possumus, non mandata lege Dei, ta-
men illa est uana & impia fiducia, q; legi Dei sit sa-
tis factum. Et ueræ orationes, ueræ elemosyne, ne-
ra ieunia, habent præcepta Dei, Et ubi habent
præceptum Dei, non possunt sine peccato omitti.
Verum illa opera, quatenus non sunt præcepta le-
ge Dei, sed habent certam formam ex humano
præscripto, sunt opera traditionum humanarum,
de quibus Christus dicit, Frustra colunt me manda-
tis hominum, ut certa ieunia, instituta non ad car-
nem cohorendam, sed ut per id opus reddatur
honos Deo, ut ait Scotus, & compensetur mors
eterna. Item certus numerus precum, certus mo-
dus elemosynarum, cum ita fiunt, ut ille modus, si
cultus ex opere operato, reddens honorem Deo,
& compensans mortem eternam. Tribuunt enim
his ex opere operato satisfactionem, quia docent
q; ualeant etiam in his qui sunt in peccato mortali.
Iam illa longius recedunt a præceptis Dei, pere-
grinationes, & harum magna est uarietas, alius

facili

facit iter cataphractus, alius facit iter nudis pedibus, Hæc uocat Christus inutiles cultus, quare non profunt ad placandam offensam Dei, ut aduersarij loquuntur. Et tamen hæc opera magnificis titulis ornantur, uocantur opera supererogationis. Tribuitur eis honos, q̄ sint precium pro morte æterna. Ita præferuntur operibus præceptorum Dei. In hunc modū lex Dei bifariam obsecuratur, & quia putatur legi Dei satis factum esse, per exēterna & ciuilia opera, & quia adduntur traditio-nes humanae, quarum opera præferuntur operibus legis diuinae. Deinde obsecuratur pœnitentia & gratia. Nam mors æterna non redimitur illa compensatione operum, quia est ociosa, nec degustat in præsentia mortem. Alia res opponenda est mors t̄i cum tentat nos. Sicut enim ira Dei fide in Christum uincitur, ita uincitur mors fide in Christum, Sicut Paulus ait. Deo gratia, qui dat nobis uictoriā per dominum nostrum Iesum Christum, non inquit, qui dat nobis uictoriā, si aduersus mortem opponamus satisfactiones nostras. Aduersarij ociosas speculationes tractant de remissione cul-pæ, nec uident quomodo in remissione culpæ, libe-retur cor ab ira Dei, & a morte æterna, per fidem in Christum. Cum igitur mors Christi sit satisfac-tio-

DE CONFSSIONE ET

Etio pro morte æterna, & cum ipsi aduersarij fateantur illa opera satisfactionum esse opera non debita, sed opera traditionum humanarum, de quibus Christus inquit, q̄ sint inutiles cultus, tuto possumus affirmare, q̄ satisfactiones Canonice non sint necessarie Iure diuino, ad remissionem culpe aut poenæ æternæ, aut poenæ purgatoriij.

Sed obijciunt aduersarij uindictam seu penitentiam necessariam esse ad poenitentiam, quia Augustinus ait, Poenitentiam esse uindictam punientem &c. Sicut alibi quoties opera precipiuntur, interpretantur ea aduersarij satisfactiones & propiciations esse, ita hic, quia fit poenæ mentio, detinent eam ad satisfactionem, Augustinus non hō sensit dolorem in poenitentia, precium esse propter quod debeatur remissio peccatorum, Sciebat enim gratis remitti peccata propter Christum, Sciebat Christi mortem sacrificium esse pro peccatis nostris. Quidquid igitur, de uindicta, de poenitentia accipi debet, ne gratuitam remissionem peccatorum euertat, ne obscuret meritum Christi, & abducat homines a fiducia Christi, ad fiduciam operum. Ceterum uindictam concedimus esse in poenitentia, non ut precium, sed uindicta

uindicta formaliter est in pœnitentia, quia ipsa regeneration fit perpetua mortificatione uetus statis nostræ. Sunt terrores, sunt & alij motus qui peccato irascuntur, sed his non debetur remissio. Imo si fides nō accederet, hi dolores afferrent mortem æternam. Sit sane belle dictum a Scoto pœnitentiæ appellari quasi pœnæ tenentiam, modo ut pœna non intelligatur esse premium, pro quo debeatur remissio. Et Augustinus non loquitur de pœnis, quas remittunt claves, quare non recte detinetur hoc dictum ad satisfactiones. De ueris pœnis, hoc est, de terroribus, & ueris animi doloribus loquitur, qui existunt in pœnitentia. Neq; tamen excludimus externam carnis vexationem, hec enim ueros animi dolores ultro sequitur. Ac longe errant aduersarij, si uerius pœnam esse iudicant, satisfactiones Canonicas, quam ueros terrores in corde. Stultiſſimum est nomen pœnæ detinere ad has frigidas satisfactiones, non referre ad illos horribiles terrores conscientiæ, de quibus ait David. Circumdederunt me dolores mortis &c. Quis non malit loricatus & cataphratus querere templū Iacobi, Basilicam Petri, puare sustinere illam ineffabilem vim doloris, quæ est etiam in mediocribus si sit uera pœnitentia.

At inquit

DE CONFESSIONE ET

At inquiunt, conuenit iusticiæ Dei puniri peccatum. Primum quod disputant, quod conueniat punire peccatum, satis ostendunt se contemnere Christi beneficium. Constituit Deus premium pro nostris peccatis, non nostras poenas, non nostras satisfactiones, sed mortem filij sui. Quæ tandem iniuria est, præferre nostras satisfactiones, satisfactioni Christi? Deinde ut maxime puniat Deus, tamen sciendum est remissionem peccatorum non deberi propter illam poenam, et ne iniuria afficiatur beneficium Christi, et quia conscientia non potest reddi pacata, si remissio non contingit gratis. Postremo ut maxime Deus puniat, tamen poenæ illæ nihil ad claves pertinent. Haec nec de imponendis, nec de remittendis illis poenis quæ sunt opera Dei, mandatum habent.

Cæterum concedimus Deum punire peccata, primum in contritione, cum in illis terroribus iram suam ostendit, sicut significat David cum orat, Domine ne in furore tuo arguas me. Et Ieremie, Corripe me Domine, ueruntamen in iudicio, non in furore, ne ad nihil redigas me. Hic sane de acerbissimis poenis loquitur. Et fatentur aduersarij contritionem posse tantâ esse, ut non requiratur.

tur satisfactio. Verius igitur contricio poena est
quam satisfactiones Canonice.

Secundo subiecti sunt sancti morti & alijs
communibus afflictionibus, Sicut ait Petrus. Tem-
pus est incipere iudicium a domo Dei. Si autem
primum a nobis, qualis erit finis istorum qui non
credunt? Et ut hæ afflictiones plerumq; sint poena
peccatorum, tamen in pijs habent alium finem,
infliguntur enim ad mortificandū præsens pecca-
tū, quia in sanctis extinguunt & mortificant con-
cupiscentiam, Mors enim ad hoc reliqua est in
sanctis, ut aboleat hanc naturam immundam. Ideo
Paulus ait. Corpus mortuum est propter pecca-
tum, id est, mortificatur propter præsens peccatum
quod adhuc in carne reliquum est. Crux igitur
non poena, sed exercitium est, & preparatio ad
renouationem, Nam cum mortificatur præsens pec-
catum, cumq; inter tentaciones discimus querere
auxilium Dei, & experimur præsentiam Dei, ma-
gis magisq; agnoscimus diffidentiam cordium no-
strorum, & erigimus nos fide. Ita crescit nouitas
spiritus. Sicut Paulus ait. Etsi exterior homo cor-
rumpitur, tamē interior renouatur de die in diem.
Item Esaias ait. Angustia in qua clamant, discipli-

O

na tue

DE CONFESSiONE ET

na tua est ipsis. Præterea mors tunc uera poena est, quando cor per terrefactum sentit iram Dei, iuxta illud. Aculeus mortis peccatum est. Postquam autem in sanctis, fide terrores peccati superari sunt, mors sine illo sensu iræ Dei proprie non est poena. Porro claves neq; imponunt neq; remittunt has poenas. Quare satisfactiones non pertinent ad has poenas. Claves enim non remittunt aut mortem aut partem afflictionum communium. Iam si has poenas cōpensant satisfactionibus, quare iubent in purgatorio satisfacere?

Obijciunt de Adam, de Davide, qui propter adulterium punitus est. Ex his exemplis faciunt uniuersalem regulam, q; singulis peccatis respondeant proprie poenæ temporales in imponenda potestate clauium. Prius dictum est sanctos sustinere poenas, quæ sunt opera Dei, sustinent contributionem seu terrores, sustinent & alias communes afflictiones. Ita sustinent aliqui proprias poenas a Deo impositas, exempli causa. Et hæ poenæ nihil pertinent ad claves, quia claves neq; impunere, neq; remittere eas possunt, sed Deus sine ministerio clauium imponit & remittit. Nec sequitur uniuersalis regula. Davidi propria poena imposita

posita est. Igitur præter communes afflictiones, alia quædam purgatorij poena est, in qua singulis peccatis singuli gradus respondent. Vbi docet hoc scriptura, non posse nos a morte æterna liberari, nisi per illam compensationem certarum poenarum præter communes afflictiones? At contra sæpius docet remissionem peccatorum gratis contingere propter Christum, Christum esse victorem peccati & mortis, quare non est assuendum meritum satisfactionis. Et quamvis afflictiones reliquæ sint, tamen has interpretatur præsentis peccati mortificationes esse, non compensationes æternæ mortis, seu precia pro æterna morte. Job excusat, qd non sit afflictus propter præterita mala facta. Itaq; afflictiones non semper sunt poenæ, aut signa iræ, Imo pauidæ conscientiæ docendæ sunt alios fines afflictionum potiores esse, ne senciant se a Deo rejici, si in afflictionibus nihil nisi poenam & iram Dei uideant. Alij fines potiores sunt considerandi, qd Deus alienum opus faciat, ut suum opus facere possit &c. Sic ut longa cōtione docet Esaias Cap. 28. Et cum discipuli interrogarent de cœco, quis peccasset. Iohannis 9. respondet Christus, causam cœcitatris esse, non peccatum, sed ut opera Dei in eo manifestetur. Et apud Ieremiā dicitur,

O ij Quibus

DE CONFESSiONE ET

Quibus non erat iudicium bibentes bibent &c. Sicut
Prophetæ imperfecti sunt, Iohannes Baptista, &
alijs sancti. Quare afflictiones non semper sunt poena
pro certis factis præteritis, sed sunt opera Dei
destinata ad nostram utilitatem, & ut potencia
Dei fiat conspectior in infirmitate nostra, sic Paulus
ait. Potencia Dei perficitur in infirmitate mea.
Itaque corpora nostra debent esse hostiae, propter
uoluntatem Dei, ad obedientiam nostram declara-
randam, non ad compensandam mortem æternam,
pro qua aliud precium habet Deus, scilicet mor-
tem filij sui. Et in hanc sentenciam interpretatur
Gregorius ipsam etiam poenam Davidis, cum ait.
Si Deus propter peccatum illud fuerat commina-
tus, ut sic humiliaretur a filio, cur dimisso peccato
quod erat ei comminatus impleuit? Respondetur,
remissionem illam peccati factam esse, ne homo ad
percipiendam uitam impediatur æternam. Subse-
cutum uero illud comminationis exemplum, ut
pietas hominis etiam in illa humilitate exercere-
tur atque probaretur. Sic & morte corporis prop-
ter peccatum Deus homini inflxit, & post peccata-
torum remissionem propter exercendam iusticiam
non ademit, uidelicet, ut exerceatur & probetur
iusticia istorum qui sanctificantur.

Neg

Neq; uero tolluntur communes calamitates
propre per illa opera satisfactionum Canonica-
rum, hoc est, per illa opera traditionum humana-
rum quæ ipsi sicut ualere dicunt, ex opere operato,
ut etiam si fiant in peccato mortali, tamen redi-
mant poenas. Et cum obijcitur illud Pauli. Si nos
iudicaremus ipsi, non iudicaremur a Domino, uer-
bum iudicare intelligi debet de tota pœnitencie,
et fructibus debitibus, non de operibus non debitibus.
Aduersarij nostri dant poenas contemptæ Gram-
matices, cum intelligunt iudicare, idem esse, quod
cataphractum peregre ire ad S. Iacobum, aut si=
milia opera. Iudicare significat totam pœnitenci-
am, significat damnare peccata. Hæc damnatio
uere fit in contricione, et mutatione uitæ. Tota
pœnitentia, contricio, fides, boni fructus, impetrant,
ut mitigentur poena, et calamitates publicæ et
privatæ, sicut Esaias Capite primo docet. Definite
male facere, et discite bene facere &c. Si fuerint
peccata uestra, ut coccinum, quasi nix dealbabun-
tur. Si uolueritis, et audieritis me, bona terræ co-
medetis. Nec est ad satisfactiones et opera tradi-
tionum humanarum transferenda grauißima et
saluberrima sentencia, a tota pœnitentia, et operi-
bus debitibus, seu a Deo præceptis. Et hoc prodest

O iii docere

DE CONFESSiONE ET

docere, q̄ mitigentur communia mala per nostram
pœnitenciam, & per ueros fructus pœnitencie,
per bona opera facta ex fide, non ut isti singum
facta in peccato mortali. Et huc pertinet exemplum
Niniuitarum, qui sua pœnitencia (de totalo
quimur) recōciliati sunt Deo, & impetraverunt,
ne deleretur ciuitas.

Quod autem Patres mentionem faciunt sa-
tisfactionis, & concilia fecerunt Canones, diximus
supra disciplinam Ecclesiasticam fuisse, exempli
causa constitutam. Neo senciebant hanc discipli-
nam necessariam esse, uel ad culpæ, uel ad pœna
remissionem. Nam siqui in his mentionem purga-
torij fecerunt, interpretantur esse non compensa-
tionem æternæ pœnæ, non satisfactionem, sed pur-
gationem imperfectarum animarum, Sicut Augu-
stinus ait uenialia concremari, hoc est, mortificari
diffidentiam erga Deum, & alios affectus similes.
Interdum Scriptores transferunt satisfactionis no-
cabulum ab ipso ritu, seu spectaculo, ad significan-
dam ueram mortificationem, Sic Augustinus ait.
Vera satisfactio est peccatorum causas excidere,
hoc est mortificare carnem. Item cohercere car-
nem non ut compensentur æternæ pœnæ, sed ne

caro

earo pertrahat ad peccandum. Ita Gregorius de restituione loquitur, falsam esse pœnitenciam, si non satisfiat illis quorum res occupatas tenemus, Non enim uere dolet se furatum esse, aut rapuisse is, qui adhuc furatur. Tantisper enim fur aut predo est, dum est iniustus possessor alienæ rei. Civilis illa satisfactione necessaria est, quia scriptum est, qui furatus est, deinceps non furetur. Item Chrysostomus inquit, In corde contricio, in ore confessio, in opere tota humilitas. Hoc nihil contra nos facit, debent sequi bona opera pœnitenciam, debet pœnitencia esse, non simulatio, sed totius uitæ mutatio in melius.

Item Patres scribunt satis esse, si semel in vita fiat illa publica seu solennis pœnitencia, de qua sunt facti Canones satisfactionū. Quia ex re intellegi potest, q[uod] senciebant illos Canones, non esse necessarios ad remissionem peccatorum. Nam præter illam solennem pœnitenciam, s[ecundu]m alias uolunt pœnitenciam agi, ubi non requirebantur Canones satisfactionum.

Architecti confutacionis scribunt non esse tolerandum, ut satisfactiones contra expressum

O iiiij Euangelium

DE CONFESSIONE ET

Evangeliū aboleantur. Nos igitur hactenus ostendimus Canonicas illas satisfactiones, hoc est opera non debita, facienda propter compensationem poenae, non habere mandatum Euangeliū. Res ipsa hoc ostendit, si opera satisfactionū sunt opera non debita, quare allegant expressum Euangeliū. Nam si Euangeliū iuberet compensari poenas per talia opera, iam essent debita opera, Sed sic loquuntur, ut fucum faciant imperitis, & allegant testimonia, quæ de debitis operibus loquuntur, cum ipsis in suis satisfactionibus prescribant opera non debita. Imo ipsis concedunt in scholis sine peccato recusari posse satisfactiones. Falso igitur hic scribunt, q̄ expresso Euangelio cogamur satisfactiones illas Canonicas suscipere. Ceterum nos s̄epe iam testati sumus, q̄ poenitentia debeat bonos fructus parere, & qui sint boni fructus docent mandata, uidelicet inuocatio, gratiarum actio, confessio Euangeliū, docere Euangeliū, obedire parentibus, & magistratibus, seruire uocationi, non occidere, non retinere odia, sed esse placabilem, dare eagentibus quantum pro facultatibus possumus, non seortari, non mœchari, sed cohercere, & refrenare, castigare carnem, nō propter compensationem poenae æternæ, sed ne obtemperili

peret diabolo, ne offendat spiritum sanctum, Item
uerā dicere. Hi fructus habent præcepta Dei, &
propter gloriam & mandatum Dei fieri debent,
habent & præmia. Sed q̄ non remittantur pœnæ
eternæ, nisi propter compensationem certarum
traditionum aut purgatorij, hoc non docet scrip-
tura. Indulgentie olim erant condonationes pub-
licarum illarum obseruationum, ne nimium graue-
rentur homines. Quod si humana autoritate re-
mitti satisfactiones & pœnæ queunt, non igitur
Iure diuino, necessaria est illa compensatio. Nam
Ius diuinum non tollitur humana autoritate. Per-
ro cam nunc per se antiquatus fit mos, & quidem
dissimulantibus Episcopis, nihil opus est remissio-
nibus illis. Et tamen mansit nomen indulgentiarū.
Et sicut satisfactiones non intellectæ sunt de poli-
tica disciplina, sed de compensatione pœnæ, Ita in-
dulgentiae male intellectæ sunt, q̄ liberent animas
ex purgatorio. At clavis non habet potestatem,
nisi super terram ligandi, & soluendi, iuxta illud.
Quidquid ligaueris super terram, erit ligatum in
cœlo. Quidquid solueris super terram, erit solu-
tum in cœlo. Quanquam, ut supra diximus, clav-
uis potestatem habet non imponendi pœnas aut
cultus instituendi, sed tantum habet mandatum

O v remittendi

DE CONFESSiONE ET SATiS.

remittendi peccata , his qui conuertuntur, & ar-
guendi & excommunicandi istos qui nolunt cons-
uerti. Sicut enim soluere significat remittere peccata,
Ita ligare significat non remittere peccata.
Loquitur enim Christus , de regno spirituali. El-
mandatum Dei est , ut ministri Euangelij absolu-
uant hos qui conuertuntur , iuxta illud , Potes-
nobis data est ad ædificationem. Quare reseruatio
casuum politica res est . Est enim reseruatio poena
Canonicæ , non est reseruatio culpe coram Dio
in his qui uere conuertuntur. Proinde recte iudi-
cant aduersarij cum fatentur , q. in articulo mor-
tis illa reseruatio casuum non debeat impedire ab-
solutionem. Exposuimus summam nostræ doctrinae
de pœnitencia , quam certo scimus piam , & salu-
brem bonis mentibus esse. Et boni uiri si contul-
rint nostram doctrinam cum confusissimis dispu-
tacionibus aduersariorum , perspicient aduersari-
os omisisse doctrinam de fide iustificante , &
solante pia corda. Videbunt etiam multa fingeri
aduersarios , de merito attritionis , de illa infinita
enumeratione delictorum , de satisfactionibus , ou-
γις φασὶ ποτὲ δύο τὸν ἀπόλυτα , que
ipſi quidem aduersarij satis explicare possunt.

De numero